

稱

謂

錄

稱謂錄第五本

卷十七日

工部

營膳司

虞衡司

都水司

冰窖監督

屯田司

理藩院

理藩院司官

理藩院各官古稱

通政司

通政司職官

通政司職官古稱

登聞鼓廳

大理寺

大理寺職官

大理寺職官古稱

大常寺

贊禮部

讀祝官

協律郎

司樂

祠祭署

神樂署

卷十八目

太僕寺

牧場官役

光祿寺

太官署

珍羞署

良醞署

掌醢署

國子監

祭酒

司業

博士

助教

鴻臚寺

鳴贊

序班

順天府

順天府丞

治中

欽天監

監正 監副

時憲科

天文科

漏刻科

卷十九目

太醫院

院使

御醫

吏目 醫士 醫生

內務府

內務府總管大臣

廣儲司

都虞司

掌虞司

果房

會計司

營造司

慶豐司

慎刑司

上駟院

上駟院大臣

阿敦侍衛

醫師長

馬廐官役

牧場官役

武備院

北鞍庫
南鞍庫

甲庫

毬庫

奉宸苑大臣

各苑圍總管大臣

苑丞 苑副

御船處大臣

御茶膳房

鸞儀衛

鸞儀衛大臣

和言金 卷二十一
鸞儀衛各員

卷二十目

領侍衛內大臣

侍衛班領 侍衛什長

侍衛

親軍

八旗都統

步軍統領

九門提督

城門領

前鋒統領

前鋒侍衛

護軍統領

護軍校

稱謂錄卷十七

福州梁章鉅撰

男恭辰校刊

工部

司空 書舜典伯禹作司空又周官司空掌邦土居四民時地利案賈氏正義伯禹作司空四時官不數之者鄭云初堯冬官爲共工舜舉禹治水堯知其有聖德必成功故改命司空以官名寵異之非常官也

宗工 路史垂爲宗工注宗工司空之職

共工 書舜典帝曰兪咨垂汝共工鄭注共工水官名

工正 春秋左氏傳五雉爲五工正

水正 漢書百官表顓頊氏冬官爲水正

冬官 周禮冬官考工 禮記正義孝文時求得周官

不見冬官一篇乃使博士作考工記補之 案漢以

考工補冬官可知周官之冬官必掌百工之事矣

冬曹 獻徵錄陸杰晉工部侍郎御劄論問稱曰冬曹

大臣而不名 案古者有興作必於農隙役召故於

冬亦稱冬卿

劇曹 山堂肆攷張元方制工部號爲劇曹

宏父 書酒誥宏父定辟孔傳云宏父事官司空也主
度地居民

鴈鳩氏 春秋左氏傳鴈鳩司空也杜注云鴈鳩平均
故爲司空平水土

左民 通典漢成帝初置尙書有民曹主凡吏民上書
後漢光武改民曹主繕脩工作鹽池苑囿魏置左民
尙書亦領其職 案東晉及宋齊有左民郎中兼知
屯田事是古無工部而今之營繕屯田二司其事並
隸於左民也

起部 通典晉宋以來有起部尚書而不常置每營宗廟宮室則權置之事畢則省以其事分屬都官左民二尚書北齊起部亦掌工造屬祠部尚書 案戶部亦有起部又案通典戶部又言宋齊度支尚書領度支金部倉部起部四曹與此言晉宋起部分屬都官左民二尚書北齊起部屬祠尚書者不合

起曹 曾鞏工部尚書制中臺起曹實踐其位 案通典隋改工部爲起曹

司平 舊唐書職官志注隋初置工部尚書龍朔二年

改爲司平太常伯

粉署 杜甫詩馨香粉署妍公時爲工部員外郎

撻林 遼史國語解撻林官名改爲僕射又名司空

營繕司

營繕司 皇朝通攷營繕清吏司掌繕治 壇 廟宮

府城郭倉庫廨宇營房之役凡物料各貯一廩籍其數以供脩作之用

營部 明史職官志洪武六年工部設總部虞部水部并屯田四屬部二十二年改總部爲營部二十九年

又改四屬部爲營繕虞衡都水屯田四清吏司 案
據此則今之營繕司明初尙稱營部而營繕司之稱
實始於洪武二十九年

將作司 營造提舉司 營繕所 明史職官志洪武
初置工部及官屬以將作司隸焉六年又置營造提
舉司二十五年改將作司爲營繕所

大匠卿 匠卿 隋書百官志大匠卿掌木土之工又
曰匠卿 案卽今營繕司

虞衡司

虞衡司 皇朝通攷虞衡清吏司掌山澤采辦陶冶器用修造權衡武備

虞曹 通典魏尚書有虞曹郎中晉因之北齊虞曹掌地圖山川遠近園囿田獵雜木等並屬虞部尚書

司虞大夫 通典隋初虞部侍郎煬帝除侍字武德加中字龍朔二年改爲司虞大夫咸亨元年復舊天寶十一年又改虞部爲司虞

虞人 孟子招虞人以旌 案杜君卿云虞部蓋古虞人之遺職

考工令 續漢百官志考工令一人六百石本注曰主
兵器弓弩刀槍之屬成則傳執金吾入武庫 案今
虞衡清吏司掌製器用及軍裝軍火與此職相近
文思院 文獻通攷宋紹興三年並少府監歸工部以
文思院屬焉文思院上下界監官並從本部辟差
案文思院 國初尙有此官後裁之以其事分隸各
司則此亦古有今無之職然取槩氏量銘時文思索
之義則與虞衡司相近

都水司

都水司 皇朝通攷都水清吏司掌水利河防橋道舟車券契量衡之事

水部 宋書何遜傳天監中兼尚書水部郎 韓翃詩才子舊稱何水部 白居易詩明朝說向詩家道水部如今不姓何

水曹 朱餘慶詩省中官最美無似水曹郎 蘇軾詩詩人例作水曹郎 杜甫詩能詩何水曹

司水大夫 歷代沿革工部郎中唐龍朔中改司水大夫 案工部或爲水部卽今都水司郎中也馬氏通

攷後周有司水大夫隋初爲水部侍郎

司川大夫 唐書水部改曰司川又稱司川大夫 案
卽今都水司

司險 周禮夏官司險掌設國之五溝五涂而達其道
路 案馬端臨謂卽水部郎中之稱

水衡 都水臺 大舟卿 晉書武帝省水衡置都水

臺 隋書百官志大舟卿梁初爲都水臺七年改焉

主舟航隄渠 案尙書侍郎始得稱卿其職統營繕

都水二司故匠卿舟卿皆指長官而言非卽本司郎

中又案梁之都水臺有使者一人參軍事二人河隄
調者八人隋書謂位視中書郎列卿之最末者也則
雖非今之都水司郎中而位亦與今相亞矣

冰窖監督

案此官名始自本朝

凌人 周禮天官凌人下士二人掌冰正歲十有二月
令斬冰三其凌春始治鑑凡外內饗之膳羞鑑焉

屯田司

屯田司 皇朝通攷屯田清吏司掌脩繕 陵寢並屯
種抽分夫役墳塋之事凡築造樹碑開窑鑿石悉司

其禁令

屯部 明史職官志洪武十三年以屯田部爲屯部

田曹 馬氏通攷晉始有屯田尙書及太康中謂之田曹

司田大夫 歷代沿革屯田郎中唐龍朔中改司田大夫 案今屯田司管陵墳採捕等事非復古之屯田也

大司田 管子甯戚藝粟盡地利立爲大司田

理藩院

理藩院 會典崇德三年定蒙古衙門爲理藩院
典藩署 隋書百官志煬帝改

掌客 周禮秋官掌四方賓客之牢禮餼獻飲食之等
數又有司儀行夫環人象胥掌訝掌交諸職皆大行
人之屬官

大行人 小行人 周禮秋官大行人掌大賓之禮及
大客之儀以親諸侯小行人掌邦國賓客之禮籍以
待四方之使者鄭注大賓要服以內諸侯大客謂其
孤卿賈疏言要服以內諸侯者對要服以外爲小賓

蕃國世一見是也

大行令 大鴻臚 漢書百官表典客景帝中六年更名大行令武帝太初元年更名大鴻臚 太平御覽引韋昭辨釋名云腹前肥者臚言以京師爲心腹王侯外國爲四體以養之也辨云鴻臚本故典客掌賓禮鴻大也臚陳序也欲以陳序賓客也

鴻臣 揚雄大鴻臚箴鴻臣司爵敢告在鄰 案漢之大鴻臚實周禮大小行人之掌自晉以後諸侯王旣不分封外藩無復朝覲聘問之禮故此官遂罷而不

設今之鴻臚惟掌導護贊拜不復主賓客之禮不得冒大鴻臚之稱而今人猶稱鴻臚卿爲大鴻臚失其實矣

四方館 晏殊類要舊儀四方館於通事舍人中以宿長一人總知管事謂之管主凡四方貢納及章表皆封而進之

理藩院司官

典屬司 王會司 旗籍司 柔遠司 理刑司 徠遠司 皇朝通攷理藩院掌蕃部封授朝覲貢獻黜陟

徵發之政控馭撫綏以固邦翰焉其屬有六清吏司
曰典屬曰王會曰旗籍曰柔遠曰理刑曰徠遠

錄勳司 賓客司 會典順治十八年理藩院設立四
清吏司曰錄勳曰賓客曰理刑曰柔遠乾隆二十二
年改錄勳司爲典屬改賓客司爲王會柔遠後司爲
旗籍前司爲柔遠又增設徠遠司

懷方氏 合方氏 訓方氏 形方氏 歷代職官表
周禮夏官懷方氏以下四官皆主和緝四方諸侯亦
今理藩院所有事以規制攷之合方氏形方氏通財

利同好惡正封疆當如今旗籍典屬來遠諸司之職
懷方氏治委積館舍以送迎之當如今柔遠諸司之
職訓方氏教化正淫辟則如今理刑司之職

典屬國 冊府元龜秦有典屬國掌蠻夷降者 案今
之典屬司稱名蓋昉於此

別火 漢百官公卿表典客屬官有別火令丞如淳曰
漢儀注別火獄令官治改火之事 案典客掌夷狄
而屬官別火爲獄令卽今理藩院之理刑司矣

通政司

通政司 明史通政使掌受內外章疏敷奏封駁之事
建文中改司爲寺改通政使爲通政卿參議爲少卿
寺丞增置左右補闕左右拾遺與下察言司參看
通進司 宋史職官志通進司掌受三省樞密院六曹
寺監百司奏牘文武近臣表疏及章奏房所領天下
章奏案牘具事目進呈而頒布於中外 案通進司
卽今之通政司也

承進司 齊東野語本朝章憲太后之父諱又改通進
司爲承進司

察言司 通政寺 明史職官志初洪武三年置察言司設司令二人掌受四方章奏尋罷十年置通政使司建文中改司爲寺成祖復舊制
獻納司 唐書知匭使天寶改爲獻納使以御史中丞侍御史爲之亦稱大獻納

銀臺司 舊唐書德宗紀右銀臺門有客省以處上書言事者 裴庭裕東觀奏記牛僧孺爲武昌節度使奏章先達銀臺授殿中侍御史掌書記 宋史職官志銀臺司掌收天下奏狀 案卽今通政司故當時

有通進銀臺司之稱

鸞臺 唐書百官志垂拱元年改門下省曰鸞臺

外臺 謝靈運晉書漢官時有三臺尙書爲中臺御史
爲憲臺謁者爲外臺 駱賓王啟光贊外臺陳君回
之亮直

謁者臺 隋書百官志煬帝置謁者臺大夫一人 案
隋以門下內史御史司隸謁者五官同主受表而謁
者與今通政司爲近矣

門下省 叩鉢齋官職考漢黃門侍郎唐宋門下省準

今通政司也 文獻通攷門下省後漢謂之侍中寺
通章署 晉書齊王冏傳冏率衆入洛頓軍通章署
案通章署似卽通章表之地與今通政司相仿

通政司職官

通政使 左右通政 左右參議 明史職官志通政
使司通政使一人左右通政各一人左右參議各一
人 案 國初順治年閒通政使司官制悉仍明舊
至乾隆十年裁右通政一人十三年復裁左通政一
人以左通政改爲副使惟此略殊

阿里費哈福布勒哈番 皇朝通攷通政使司通政使
滿字稱爲阿里費哈福布勒哈番漢字稱爲通政使
俱作正三品

哈思呼額爾吉哈福布勒哈番 皇朝通攷左通政滿
字稱爲哈思呼額爾吉哈福布勒哈番漢字稱爲左
通政俱作正四品

伊齊額爾吉哈福布勒哈番 皇朝通攷右通政滿字
稱伊齊額爾吉哈福布勒哈番漢字稱爲右通政俱
作正四品

哈思呼額爾吉愛什拉喇哈番 皇朝通攷左參議滿
字稱爲哈思呼額爾吉愛什拉喇哈番漢字稱爲左
參議俱作正五品

伊齊額爾吉愛什拉喇哈番 皇朝通攷右參議滿字
稱爲伊齊額爾吉愛什拉喇哈番漢字稱爲右參議
俱作正五品

通政司職官古稱

太僕 周禮夏官太僕下大夫二人掌諸侯之復逆鄭
注司農曰復謂奏事也逆謂受下奏 案此卽今通

政司受督撫章疏者所由昉而吳淑事類賦以虞廷之納言當之納言出入王命爲後世尙書之職以通政司爲納言恐非惟攷唐虞納言一官秦漢以來統於尙書此後世遂以納言爲通政也

謁者 漢百官表謁者掌賓贊受事卽通政任也秦置謁者漢因之

黃門侍郎 通典門下侍郎秦官有黃門侍郎漢因之其官給事於黃門之內故曰黃門侍郎

通事都尉 通事侍郎 初學記魏世中書始置通事

一人高貴鄉公時改爲通事都尉又改爲通事侍郎
通事舍人 通典晉通事舍人掌呈奏 冊府元龜姜
柔遠爲通事舍人又李若水爲通事舍人在館三十
年多識舊儀 宋初置中書通事舍人入直閣內出
宣詔命凡有陳奏皆舍人置入參決於中

公車司馬令 漢書百官表衛尉官有公車司馬令丞
顏注漢官儀曰公車司馬掌殿司馬門天下上事及
闕下凡所徵召皆總領也 宋書百官志秦有公車

司馬令 歷代職官表公車司馬令之名漢志所未

詳惟見於沈約宋書攷資治通鑑載二世三年章邯使長史司馬欣請事至咸陽留司馬門三日云云是當時郡縣及軍中言事者皆當詣司馬門而公車司馬令主受天下奏章並如漢制矣

奏事令

魏書陽津傳轉振威將軍領監曹奏事令當

主受章奏蓋卽前代公車令之職登聞令當掌達冤

訴則如今之登聞鼓廳也

國初設登聞鼓廳都察院門後移置長安右門外以

給事中或御史更替管理康熙六十年始併入通政司

知甌使

理甌使

唐六典知甌使掌申天下之滯以

達萬人之情 案唐始置匭使院以正諫大夫補闕
一人充知匭使又案唐建中二年以御史中丞爲理
匭使諫議大夫爲知匭使此卽今登聞鼓廳所由昉
也

登聞鼓廳

鼓司 鼓院 檢院 燕翼貽謀錄淳化中置鼓於禁
門外以達下情名曰鼓司眞宗景德四年改鼓司爲
登聞鼓院登聞院爲檢院應上書人並詣鼓院如本
院不行則詣檢院

登聞院 見上奏事令注

大理寺

法司 趙綽傳綽遷大理少卿時禁行惡錢有二人入市以惡錢易好者上令悉斬之綽諫曰此人坐當杖殺之非法上曰不關卿事綽曰陛下以臣置在法司豈得不關臣事上曰撼大木不動者當退對曰臣望感天心何論動木時薛冑爲大理卿俱名平恕然冑斷獄以情而綽守法 案今以都察院刑部大理爲三法司卽本此也

雲司 山堂肆攷唐陳子昂爲司刑卿讓官表榮加天寵職察雲司

祥刑寺 歷代沿革大理寺唐改爲祥刑寺則取尙書祥刑二字之義自與祥刑不同

棘寺 棘庭 棘路 棘署 劉長卿詩棘寺初談命范成大詩垂銀棘庭邸

大理寺職官

大理卿 少卿 通典廷尉北齊曰大理寺置卿少卿各一人

丞 通典晉武咸寧中曹志上表請廷尉置丞齊梁並
因之北齊曰大理丞一人

評事 隋書百官志煬帝卽位大理寺置評事四十八
人 案此爲大理寺設評事之始

阿里哈哈番 伊勒希哈哈番 希喇默哈哈番 伊齊轄
庫 愛什拉庫 額哲庫 皇朝通攷大理寺卿滿字
稱爲阿里哈哈番漢字稱爲卿俱作正三品少卿滿
字稱爲伊勒希哈哈番漢字稱爲少卿俱作正四品寺
丞滿字稱爲希喇默哈哈番漢字稱爲寺丞俱作正五

品寺正滿字稱爲伊齊轄庫漢字稱爲寺正俱作正
六品寺副滿字稱爲愛什拉庫漢字稱爲寺副俱作
從六品評事滿字稱爲額哲庫漢字稱爲評事俱作
正七品

大理寺職官古稱

大理 韓詩外傳晉文公使李離爲大理

理 禮月令命理瞻傷察創視折審斷決獄訟必端平
鄭注理治獄官也有虞曰士夏曰大理周曰大司寇
左昭十四年叔魚攝理 案古者刑獄之職通稱爲

理理士官也國語晉語生子與爲理

李管子五行篇后土辨乎北方故使爲李注李獄官也管子法法皋陶爲李注古治獄之官案春秋元命包云堯爲天子得皋陶爲大理淮南子主術訓文子原道篇並云皋陶喑而爲大理史記皋陶爲大理平民各伏得其實北史序傳庭堅爲堯大理以官命族爲理氏知李卽理字唐虞以前已有大理之名不始於夏矣

廷理說苑楚令尹子文之族干法廷理拘之新序石

奢爲理

司理 理臣 揚雄廷尉箴云獄臣司理敢告執謁

理官 左氏傳昭十四年士景伯如楚叔魚攝理杜注

士景伯晉理官 漢書禮志叔孫通所撰禮儀與律

令同錄藏於理官

士 書大禹謨汝作士馬融傳云獄官之長

大士 左氏僖二十八年傳士榮爲大士注大士治獄

官也

詳刑 司刑 通典龍朔二年改大理爲詳刑咸亨元

年復舊光宅元年改爲司刑神龍元年復舊故唐謂大理爲司刑卿

秋卿 隋百官志梁以衛尉將作大匠爲三卿是爲秋卿 唐六典宋齊皆爲廷尉梁爲秋卿

棘卿 棘丞 容齋四筆今人稱大理寺爲棘卿丞爲棘丞

大棘 佐棘 鄭氏談綺大理曰大棘 羅隱寄大理寺詩佐棘竟誰同

廷尉 冊府元龜秦制廷尉掌刑部 顏師古漢書注

云廷平也治獄貴平故以爲號張釋之傳釋之曰廷尉天下之平也後漢光武紀上聽獄必質於朝廷與衆共之尉平也故稱廷尉案廷尉秦官漢景帝中六年更名大理武帝建元四年復爲廷尉哀帝元壽二年復爲大理

廷尉卿 初學記梁加卿字曰廷尉卿後並因之

廷平 廷尉平 漢書刑法志置廷平又宣帝紀初置廷尉平 案稱大司平亦稱大司允

左平 右平 廷尉評 通典漢宣帝地節三年初於

廷尉置左右平員四人後漢光武省右平惟有左平一人掌平決詔獄冠法冠魏晉以來無左右而直謂之廷尉評事隋煬帝乃置評事四十八人

廷尉正 廷尉監 官職攷宣帝復置廷尉平廷尉正廷尉監爲三官

句檢官 隋書百官志煬帝卽位大理寺丞改爲句檢官

執方 隋百官志廷尉卿有正監平三人元會廷尉三官皆法官朝服以監東西中華門手執方木長三尺

方一寸謂之執方

太常寺

太常

奉常

漢書百官表云奉常秦官掌宗廟禮儀

唐六典漢高祖名曰太常惠帝復曰奉常 史記

景帝本紀中六年更命奉常爲太常 漢書顏注太

常者王者之旌也王者有大事則建以行禮官主奉

持之故曰奉常後改爲太尊大之義也 宋書百官

志應劭曰欲令國家盛大常存故稱太常

司常 唐書百官志光宅元年改太常寺曰司常寺

司禮 通典唐光宅元年改太常爲司禮神龍初復舊
亦曰司禮卿

禮院 天中記太常唐曰司禮寺又曰禮院 案宋史
職官志宋初別置太常禮院雖隸本寺其實專達有
判院同知院四人寺與禮院事不相兼康定元年置
判寺同判寺始並兼禮院事元豐正名始專其職

曲臺 常充太常卿制固可以處楊震植榮之位領曲
臺太子之重 案字典王彥威爲曲臺新禮三十卷
故太常稱曲臺

容臺 類要太常亦稱容臺

秩宗 通典今太常者亦唐虞伯夷爲秩宗兼夔典樂之任也 案通典又謂唐虞之時秩宗典三禮卽今禮部尙書蓋古止秩宗一職而後分爲二也王莽時曾改太常卿曰秩宗

宗官 周禮鄭注唐虞三代以宗官典國之禮與其祭祀漢之太常是也

太常寺卿 少卿 丞 隋書百官志北齊官制太常光祿衛尉宗正太僕大理鴻臚司農太府是爲九寺

置卿少卿丞各一人

宗卿 陸倕讓太常表宗卿清重歷選所難

樂卿 容齋四筆唐人稱太常卿爲樂卿 杜牧送崔

少卿詩帝命詩書將壇登禮樂卿

春卿 隋百官志梁以太常宗正大司農爲三卿是爲

春卿

清卿 袁聿修傳太常初聿修以太常少卿出使巡省

考較官人得失經歷兗州時邢邵爲兗州刺史別後
遣送白綢爲信聿修退綢不受與書云瓜田李下古

人所慎邢報書云昔爲清郎今日復爲清卿矣

清選 白居易太常少卿制歷代迄今謂之清選

常臣 揚雄太常箴常臣司宗敢告執書

博士 漢百官公卿表太常屬官有博士掌通古今秩
比六百石員多至數千人 案漢官凡稱博士皆屬
太常不但太常博士也

贊禮郎

奉禮郎 理禮郎 通典隋有奉禮郎十六人屬太常

寺煬帝減置六人大唐初有理禮郎四員掌設板位

執儀行事至永徽二年以廟諱改還奉禮郎 案疑
卽今之贊禮郎也

讀祝官

太祝 廟祝 漢百官公卿表奉常屬官有太祝令丞
景帝中六年更名太祝爲祠祀武帝太初元年更名
曰廟祝

協律郎

協律郎 隋書百官志北齊太常屬官有協律郎二人
掌監調律呂音樂

司樂

大司樂 周禮春官大司樂中大夫二人上士八人下士十有六人以六律六同五聲八音六舞大合樂以致鬼神示 案今太常寺有司樂二十三人掌供祭祀之事

祠祭署

典祀 周禮春官典祀中士二人下士四人掌外祀之兆守

神樂署

稱謂錄

卷十七

三

大樂令 大樂丞 漢百官公卿表屬官有大樂令丞
案今有神樂署署正卽古之太樂令而署丞卽其
丞矣

稱謂錄卷十八

福州梁章鉅撰

男恭辰校刊

太僕寺

太僕 周禮夏官太僕掌正王之服位出入王之大命
太僕正 太御 書小序穆王命伯冏爲太僕正作冏
命孔傳太僕長太御中大夫孔疏正訓長也周禮太
御中大夫太僕下大夫孔以此言太僕正則官高於
太僕故以爲周禮太御 文獻通攷王莽改太僕爲
太御 案今世稱太僕爲冏卿卽仿此

冏卿 廣事類賦周王命伯冏爲卿 案書伯冏爲太

僕正故號太僕卿爲冏卿

校人 周禮夏官校人鄭注云校者校也主馬者必仍校視之校人馬官之長

僕人師 禮記檀弓卜人師扶右鄭注云卜當爲僕聲之悞也釋文曰卜依注音僕師長也謂太僕也

僕臣 揚雄太僕箴云僕臣司駕敢告執阜

相 尚書顧命相被冕服正義引鄭注曰相者正王服位之臣爲太僕

司馭 司僕 司馭寺 司僕寺 五代史百官志唐

龍朔中改太僕曰司馭又改爲司僕 初學記龍朔
二年改太僕爲司馭寺亦曰司馭卿咸亨中復舊光
宅元年改爲司僕寺亦曰司僕卿龍朔元年復舊章
宏景封還除太僕制司僕正卿位居九列

夏卿 隋書百官志梁加置太府卿以少府爲少府卿
加置太僕卿三卿是爲夏卿

左御 孫述太僕卿制俾升榮於左御

馬師 歷代職官表劉向列仙傳稱馬師皇爲黃帝馬

稱謂錄

卷十八

二

師其說無據而夏之牧正殷之牧師皆見於經傳則典牧之官其由來固已久矣

牧師 竹書紀年周公季歷伐無余之戎克之命爲牧師

牧正 春秋左氏傳少康爲牧正杜注牧官之長

監牧使 新唐書兵志以太僕少卿李思文檢校隴西

諸監牧使監牧有使自此始 歷代職官表監牧領

之於太僕少卿疑諸監歲時閱視皆以少卿往莅其事故獨專使名正如今太僕寺堂官每歲赴牧場稽

察之職也

牧場官役

總管 副總管 翼長 協領 副協領 牧長 牧

副 牧丁 會典凡牧馬別其騾馬驢馬以爲羣羣

無過四百匹設牧長牧副牧丁任其牧事而轄以協

領協領轄以翼長翼長轄以總管凡統轄總管一人

副管二人翼長四人協領十人副協領十有二人牧

長牧副牧丁各視其羣之數而設之

總典羣牧使司 遼史百官志總典羣牧使司總典羣

牧典籍使 案太僕寺左右翼牧場有總管一人副
總管二人以統轄翼長協領牧長牧副諸員則遼之
總典羣牧使司實卽今所謂總管而總典羣牧典籍
使殆卽今之副總管非寺卿也

提控諸烏魯古 金史百官志諸羣牧所國言謂烏魯

古蒙古語
滋生也

提控烏魯古二員正四品明昌二年

國語
改烏

呼濟
庫

牧師苑令 漢書百官公卿表邊郡六牧師苑令各三
丞師古曰漢官儀云牧師諸苑三十六所分置北邊

西邊分養馬三十萬頭 案漢之牧師苑在邊郡正如今邊外之左右翼牧場也則牧師苑令正如今之翼長而牧師苑丞如今之協領矣又上駟院之大凌河牧場商都達布遜諾爾牧場達里岡愛牧場亦各設翼長若牧官牧丁以任其牧事蓋亦此類

苑監官 牧官都尉 通典漢太僕有牧師諸苑之郎爲監官魏置牧官都尉晉因之 案牧官都尉亦如今總管之職

左右龍 左右牧 通典北齊太僕寺有左右龍左右

牧等署 案左右牧隋書百官志作左右牝爲是蓋
左右牝者當如今之騾馬羣左右龍者當如今之騊
馬羣也隋書又云左龍署有左龍局右龍署有右龍
局左牝署有左牝局右牝署有右牝局署有令丞局
並有都尉竊疑署局之分左右當如今太僕寺邊外
牧場之分左右翼也署令當如翼長署丞當如協領
其都尉當如今之左右翼各有防禦二人驍騎校三
人護軍校八人以偵捕者也 隋書又載梁太僕卿
統南馬牧左右牧龍廐內外廐丞此則正當作牧字

如今之左右翼牧場矣

典牝 典牡 通典北齊左右牝牡駝牛羊等署令後
周曰典牝典牡上士中士 案典牝卽騾馬羣之牧
長典牡卽驢馬羣之牧長

典牧署令 典牧署丞 通典唐典牧署令丞各四人
掌外牧及造酥酪脯腊之事

光祿寺

光祿勳 冬卿 隋書百官志以光祿勳爲光祿卿大
鴻臚爲鴻臚卿都水使者爲大舟卿三卿是爲冬卿

歷代職官表今光祿寺其名本出於漢之光祿勳
自唐六典通典諸書皆以光祿勳載入光祿寺沿革
然考光祿勳乃郎中令改名所掌爲宿衛宮殿門戶
及典三署郎漢書百官表云郎中令掌宮殿掖門戶
武帝更名光祿勳是也故柏梁聯句有總領從官之
語其職當如今之領侍衛內大臣自六朝除去勳字
謂之光祿卿後魏又置少卿北齊曰光祿寺置少卿
兼掌諸膳食帳幕遂爲今光祿所自始名雖相襲而
職務實迥殊也

總領 漢武帝柏梁詩光祿勳總領從官柏梁臺 蘇
頌光祿卿制柏梁賦詩俾聞於總領 案兩漢官制
自光祿太中中散諫議等大夫及謁者僕射羽林郎
郎中侍郎五官武賁左右等中郎將奉車駙馬二都
尉車戶騎三將並屬光祿勳故有總領之稱今則不
然矣

庖正 春秋左氏傳少康逃奔有虞爲之庖正杜注庖
正掌膳羞之官孔疏謂之正當是食官之長

司中 漢書王莽傳始建國元年莽更名光祿勳曰司

中

司宰寺 司膳寺 唐六典云龍朔二年改光祿寺曰

司宰寺咸亨中復舊武后光宅元年又改爲司膳寺

神龍初復舊

崇祿寺 遼史百官志南面官崇祿寺本光祿寺因太

宗諱改

司鼎 蘇頌送光祿勳詩不授綸爲草還司鼎作梅

祿臣 揚雄光祿勳箴祿臣司光敢告執經

飽卿 容齋四筆唐人稱光祿曰飽卿 蘇軾詩注京

師謂光祿爲飽卿

太官署

太官 前漢百官表少府屬官有太官湯官導官令丞
胞人長丞師古曰太官主膳食湯官主餅餌導官主
擇米 後漢百官志太官令一人掌御飲食 案古
字胞與庖同禮記祭統有輝胞翟闔莊子庚桑楚湯
以胞人籠伊尹皆卽周官之庖人也

膳夫 周禮天官膳夫掌王之食飲膳羞 詩膳夫冢
宰 揚雄太官箴時維膳夫實主王饗 案杜君卿

云太官署令丞於周爲膳夫庖人外饗

外饗 周禮天官外饗中士四人下士八人掌外祭祀之割烹

尙食 漢惠帝紀宦官尙食比郎中注尙主也 通典

後魏分大官爲尙食中尙食知御膳 王維詩大官

尙食陳羽觴 舊唐書官品志尙食局進御必辨其

時禁春肝夏心秋肺冬腎四季之月脾皆不可食當

進必先嘗

典庖 內膳 通典後周有典庖中士內膳下士

品嘗官 岳珂程史以黃紙書品嘗官姓名以待進蓋
取周官膳宰品嘗食王乃食之義

珍羞署

庖人 獻人 鼈人 周禮天官庖人中士四人下士
八人掌共六畜六獸六禽獻人中士二人下士四人
掌以時獻鼈人下士四人掌取互物 案會典珍羞
署掌共禽兔共魚物正當此數職矣

甘丞 後漢百官志甘丞主膳具

餼藏署 隋書百官志北齊光祿寺餼藏署令丞掌器

物鮮味等事 案隋如北齊唐因之長安中改爲珍
羞

良醞署

酒人 周禮天官酒人中士四人下士八人掌酒之政
令

酒丞 酒吏 通典良醞署令丞周官酒正中士下士
掌酒之政令晉有酒丞齊有酒吏梁曰酒庫丞北齊
有清漳令丞主酒隋曰良醞署令丞各一人

湯官丞 後漢百官志湯官丞主酒

都麴院 文獻通攷都麴院掌造麴以給內酒坊之用
監官二人以京朝官及諸司使副內侍充

法酒庫 宋史職官志法酒庫內酒坊以式法授酒材
視其厚簿之齊而謹其出納之政 案馬貴與云法
酒庫監官二人以朝臣及三班使臣內侍充

內酒坊使 文獻通攷宋良醞署屬御廚有內酒坊使
掌造法糯酒常料之三等酒以供邦國之用監官二
人監門三人以三班內院充

掌醞署

釀食典軍 通典齊諸公府有釀食典軍二人隋曰掌
醢署令丞各二人

國子監

國子監 案通典北齊有國子寺祭酒一人隋改寺爲
學煬帝改國學爲國子監唐因之

司成館 成均 冊府元龜唐貞觀初改國子寺爲監
六年復置國子司業一人龍朔二年改國子爲司成
館祭酒爲大司成司業爲小司成博士爲司成宣業
咸亨初復舊光宅初改國子監爲成均監祭酒爲成

均祭酒神龍初復舊

祭酒

祭酒 叩鉢齋官職考漢吳王濞爲劉氏祭酒謂其齒長執祭酒也光武以名侍中常侍之久次者魏晉有軍容記室祭酒晉始設國子監祭酒掌之遂定爲制案史記荀卿在齊爲三老稱祭酒胡廣曰凡官名祭酒皆一位之元長古者賓得主人饌則老者一人舉酒以祭地故以祭酒爲稱漢之侍中魏之散騎常侍功高者並爲祭酒用其義也此當爲祭酒得名之

始 晉職官志咸甯四年武帝初立國子學定置國
子祭酒博士各一人助教十五人此爲祭酒立官之
始

三老 通典孫卿在齊爲三老稱祭酒漢置博士晉初
立國子學置國子祭酒一人助教十五人

師氏 保氏 周禮地官師氏掌以嫗詔王以三德教
國子保氏掌諫王惡而養國子以道 蔡邕勸學篇
師氏居虎門卽今祭酒也

大司成 禮記文王世子大司成論說在東序鄭注大

司成司徒之屬師氏也

國師 梁書王承傳轉國子祭酒承祖儉父疎皆爲此
職三世爲國師

司業

司業 少司成 禮記樂止司業父師司成 唐書職
官志國子司業從四品下階又龍朔二年改祭酒爲
大司成司業爲少司成博士以爲宣業杜甫詩賴有
蘇司業時時乞酒錢

國子師 韓愈祭竇司業文三年國子師

稱謂錄

卷十八

七

左右師 歸崇敬傳注以國子監爲辟雍省以祭酒爲太師氏司業爲左右師

博士

國子博士 谷那律傳遷國子博士淹識羣書褚遂良稱爲九經庫 案晉江左置國子博士十六人謂之太學博士後魏太和二十年又立四門博士於四門置學唐又置廣文館博士一人書學博士三人算學博士二人晉廷尉屬官又有律學博士

五經博士 隋書百官志梁天監四年置五經博士各

一人 案漢書武帝建元五年初置五經博士則漢代已有此官

學士 通典宋明帝置總明觀察祭酒一人有元儒文史四科科置學士

儒臣 揚雄博士箴儒臣司典

廣文 鄭虔傳宰相曰上增國學置廣文館以居賢者今後世言廣文博士自君始

天下宗師 朱浮上書曰博士之官爲天下宗師助教

助教 齊書孔稚圭傳國學置律助教依五經例國子
生有欲讀者策試上過高第 柳宗元四門助教壁
記助教之職佐博士以掌鼓篋夏楚之政 案咸甯
四年初立國子學置助教十五人以教生徒江左及
宋並十人則助教之官蓋始於晉

鴻臚寺

臚人 文選張平子東京賦九賓重臚人列注臚人鴻
臚也主賓客之官

謁者 漢書百官表謁者掌賓贊受事 後漢書百官

志謂者僕射一人比千石爲謂者臺率主常侍謂者五人比六百石主殿上時節威儀其給事謂者四百石其灌謂者郎中比三百石 通典謂者缺選郎中美鬚眉大音者以補之 歷代職官表史記有大謂者張釋之漢書有大謂者劉襄而百官表不見此名疑卽謂者僕射之別稱蓋其職如今之鴻臚卿而給事謂者則如今之鳴贊灌謂者則如今之序班

冬卿 見上

客卿 睡卿 容齋四筆唐人稱鴻臚爲客卿睡卿

司文卿 唐龍朔中改鴻臚爲司文卿

鳴贊

給事謁者 見謁者注

通事舍人 舊唐書百官志通事舍人掌朝見引納及
辭謝者於殿廷通奏凡近臣入侍文武就列則導其
進退而贊其拜起出入之節注云通事舍人秦謁者
之官也晉置舍人通事各一人東晉曰通事舍人隋
因晉制置十六人又爲通事謁者武德初廢謁者臺
改通事謁者爲通事舍人

閣門宣贊舍人 建炎以來朝野雜記閣門宣贊舍人
掌唱贊書命閣門祇候掌衛班列 歷代職官表天
禧三年閣門與太常禮院上大祀稱慶合班圖卽如
今之行禮儀注景祐四年詔閣門於紫宸殿垂拱刊
石爲百官表卽如今 太和殿前之品級山至天禧
中祖士衡所請令閣門祇候先起居而後贊謁者蓋
以閣門祇候旣當側立贊謁自不能更隨班拜跪故
令其先在內廷起居畢後再立殿廷今三大節大朝
之禮鴻臚寺執事各官先起居 中和殿前行禮畢

再趨出各就班位屆時傳贊行禮正其例耳

序班

司儀 周禮秋官司儀掌九儀之賓客擯相之禮 獻徵錄齊政爲鴻臚序班曰此九賓職也

典儀 新唐書百官志隋謂者臺有典儀

灌謂者 見上謂者注

閤門祇候 見閤門贊宣舍人注

序客 沈約袖中記釋名曰鴻臚者本故典客事掌賓禮武帝時更爲鴻臚鴻大也臚陳序也欲人以禮陳

序於賓客故稱序客

侍儀司 元史百官志侍儀司掌凡朝會卽位冊后建儲奉上尊號及外國朝覲之禮

順天府

內史 京兆尹 漢地理志京兆尹故秦內史高帝元年屬塞國二年更爲渭南郡九年罷復爲內史武帝建元六年分爲右內史 急就篇馮翊京兆執治民注漢武帝分京師爲三輔京都爲京兆絕高曰京十萬曰兆 通典周官有內史秦因之掌治京師 漢

書百官公卿表內史掌治京師景帝二年分置左內史右內史太初元年右內史更名京兆尹左內史更名左馮翊主爵中尉更名右扶風與左馮翊京兆尹是爲三輔注扶助也風化也馮輔也翊贊也京大也兆者衆數言大衆所在也案漢書張敞傳京兆治京師漢三輔並治長安然都城以內不屬扶風故後人但稱順天府爲京兆尹也又案京兆之名隨地而改如東漢及三國之河南尹晉宋梁齊陳之丹陽尹北魏之代尹魏尹萬年尹北齊之都尹五季之開封

尹南宋之臨安府遼之南面五京尹金之大興府尹
元之大都路總管至前明始爲順天府尹 本朝因
之

頭上尹 劉栖楚傳改京兆尹不避權豪一日軍士有
所凌突諸少年從旁譟曰癡男子不記頭上尹耶

順天府丞

京兆少尹 唐六典京兆河南太原府牧一人從二品
尹一人從三品掌肅清邦畿考覈官吏宣布德化撫
和齊人少尹二人從四品掌貳府事以紀綱衆務

案少尹卽今之順天府丞也

治中

贊治 隋書百官志雍州置牧屬官有別駕贊務等員
案贊務卽贊治唐永徽中避高宗名據舊唐書百
官志魏晉有治中隋文帝改爲司馬煬帝改爲贊治
卽今之治中也

欽天監

太史曹 通典隋改太史令爲太史曹煬帝又改曹爲
監唐初改監爲局 案唐書百官志注武德四年改

太史監曰太史局

太史局 祕閣局 渾儀監 太史監 司天臺 舊

唐書百官志司天臺舊爲太史局龍朔二年改太史局爲祕閣局光宅元年改曰渾天監俄改爲渾儀監長安二年復爲太史局景雲元年改爲太史監改天文博士曰靈臺郎厯博士曰保章正乾元元年改爲司天臺

渾天監 通典後漢太史令掌天時星厯屬祕書省太史曹置令二人唐光宅初改爲渾天監

日官 日御 左桓十七年傳天子有日官諸侯有日御服虔注日官日御典歷數者也

馮相氏 保章氏 周禮鄭注馮乘也相視也世登高臺以視天文之次序保守也以守天文之度數

鳳鳥氏 左昭十七年傳鄭子曰我高祖少皞摯之立也鳳鳥適至故紀於鳥爲鳥師而鳥名鳳鳥氏歷正也杜注鳳鳥知天時故以名官 案堯有羲和之官卽今欽天監職也

天部 拾遺錄宋子韋世司天部妙觀星緯梓慎裨竈

之傳也

疇人 疇官 史記云云史不記時君不告朔故疇人子弟分散或在諸夏或在夷狄如淳曰家業世世相傳爲疇律年二十三傳之疇官各從其父學索隱曰韋昭云疇類也孟康云同類之人明歷者也樂彥云疇昔知星人也

清臺 岳珂程史近世清臺占候頗失其守

監正 監副

太史令 太史丞 呂氏春秋夏太史令終古出其圖

法如商 淮南子汜論訓殷太史令向藝先歸文王
後漢書百官志太史令一人掌天時星歷 禮記
曲禮天子建官先六太曰太史 周禮春官太史掌
建邦之六典正歲年以序事鄭注太史日官也 張
衡傳爲太史令研覈陰陽妙盡璇璣之正作渾天儀
著靈憲 案漢百官公卿表太史爲奉常屬官有令
丞則漢之太史令當如今之監正漢之太史丞如今
之監副也

司天監 玉海皇祐初爲圭法置於司天監 宋史職

官志司天監掌察天文祥異鐘鼓漏刻寫造厯書供
諸壇祀祭告神名版位 山堂考索宋初置司天監
以他官兼判 宋史律厯志熙寧開司馬光沈括皆
嘗提舉司天監 元史百官志司天監秩正四品
舊唐書百官志司天監一員從三品原注云本太史
局令從五品下乾元元年改爲監升從三品一如殿
中品秩則唐以前皆稱太史至唐始升爲監也

司天少監 宋方技傳王熙元授司天少監續陰陽事
十卷真宗爲製序賜名靈臺祕要 案舊唐書百官

志司天少監二人從四品下原注云本曰太史局丞
從七品下乾元升爲少監與諸司少監同品也則改
丞曰少監亦始於唐卽今之監副所自昉歟

時憲科

五官正 舊唐書百官志五官正五員正五品上原注
云乾元元年置五官有春夏秋冬中五官之名 案
今之欽天監時憲科有五官正又有春官正夏官正
中官正秋官正冬官正諸職蓋亦因唐之舊

五官 左昭二十九年傳有五行之官是謂五官木正

曰勾芒火正曰祝融金正曰蓐收水正曰元冥土正
曰后土 案此卽五官正所自昉

五官司厯 舊唐書百官志司天臺有五官司厯五員
新書二員 案司厯蓋古官名左傳云司厯過也是
也今時憲科之五官司書卽唐之五官司厯歟

保章正 案唐改厯博士曰保章正卽今時憲科之博
士歟

南正 火正 國語楚語少昊氏之衰九黎亂德人神
雜擾顓頊受之乃命南正重司天以屬民火正黎司

地以屬民使復舊常毋相侵奪其後復育重黎之後
不忘舊者使復興之以至於夏商

元鳥氏 伯趙氏 青鳥氏 丹鳥氏 左昭十七年
傳元鳥氏司分者也伯趙氏司至者也青鳥氏司啟
者也丹鳥氏司閉者也

天文科

靈臺郎 案唐改天文博士曰靈臺郎此五官靈臺郎
之始今之天文科則既有靈臺郎而又有博士二人
五官監候 舊唐書百官志五官監候五員新唐書云

三員 案此卽今天文科五官監候之始

天文生 舊唐書百官志司天臺注天文生六十人

漏刻科

挈壺正 司晨 漏刻博士 舊唐書百官志司天臺

有五官挈壺正五員

新書作二員

五官司晨十五員

新書作八

員

漏刻博士二十人

新書作六人

案今漏刻科有五官

挈壺正滿洲一人蒙古一人漢二人五官司晨漢軍一人博士漢軍一人漢七人蓋亦沿唐舊制

壺郎 孔子談苑掌漏官曰壺郎

稱謂錄

卷十八

三

銅史 梁陸倕賦掌刻漏人曰銅史